



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

# „ვეფხისტყაოსნის“ აკადემიური ტექსტის დამდგენი კომისია

„ვეფხისტყაოსნის“ აკადემიური ტექსტის დამდგენი კომისია, დაარსდა 1962 საქართველოს მეცნიერებათა აკადემიის პრეზიდიუმთან. 1985-იდან შოთა რუსთაველის სახ. ქართ. ლიტერატურის ინ-ტის შემადგენლობაში იყო. ამზადებს „ვეფხისტყაოსნის“ აკად. გამოცემას 10 ტომად – მასში შევა ძირითადი და ჩანართ-დანართი სტროფების ტექსტი ვარიანტებით, ტექსტოლ. შენიშვნებით, კომენტარებითა და სიმფონია-ლექსიკონით. მთავარმა რედაქციამ 1984 დაამთავრა პოემის ტექსტის დადგენა. ტექსტი 1988 დაიბეჭდა მასობრივ გამოცემად (ჩანართ-დანართი სტროფებისა და სამეცნ. აპარატის გარეშე, თანამედროვე ორთოგრაფიით). კომისიას აქვს ქართ. ლექსიკის ამსახველი მდიდარი კარტოთეკა (5 მლნ-ზე მეტი ბარათი). გამოცემულ წიგნთაგან აღსანიშნავია: შოთა რუსთაველი, „ვეფხისტყაოსანი“ (რედ. გ. წერეთელი და ი. აბაშიძე; 1966); ს. ცაიშვილი, „ვეფხისტყაოსნის“ ტექსტის ისტორია (ტ. 1, 1970); გ. წერეთელი, „მეტრი და რითმა ვეფხისტყაოსანში“ (1973). 1985-მდე კომისიის თავ-რე იყო ი. აბაშიძე; 1985-92 – ს. ცაიშვილი; 1992-94 – ა. ბარამიძე. მთ. რედაქტორები: გ. წერეთელი (1962-73), ა. ბარამიძე (1973-94). 1997-2006 კომისიას ხელმძღვანელობდა თ. გამყრელიძე. 2006-იდან საქართველ. მეცნ. ეროვნ. აკადემიასთან არსებობს აკად. გ. წერეთლის სახ. „ვეფხისტყაოსნის“ აკად. გამოცემისა და „ქართული ენის თესაურუსის“ კომიტეტი („რუსთაველის კომიტეტი“, თავ-რე თ. გამყრელიძე). მუშაობა მიმდინარეობს „ქართული ენის თესაურუსის“ (ქართული ენის დოკუმენტირებული ლექსიკონი) ელექტრონულ ვერსიაზე.

**გ. კარტოზია**

---